

醫

燈

續

焰

燈續焰卷四

錢塘後學潘 楫碩甫註

同邑社盟王佑賢聖翼評

門人 張文啓開之
校

沈晉垣亮宸

促結主病第三十二

陽盛則促。肺癰陽毒。陰盛則結。疝瘕積鬱。

數脉時見一止。名曰促。數則爲熱。爲陽盛。主上焦

榮行脉中衛
行脉外道雖

不同彼此相
將今脉數則
知爲陽盛矣
時一止者榮
不將衛故促
脉遲則知爲
陰盛矣時一
止者衛不將
榮故結此亦
促結之義
動衆形容於
此更覺顯然

熱聚成毒。或熱聚肺成癰。

陽毒宜清散。如黃芩花柳連翹枳殼荆防之類。

肺癰宜清解。如仲景桔梗湯之類。

脉氣流行。爲其阻礙。故一止也。

不數而緩。時見一止。名曰結。爲陰盛。至陰分或腹

中聚疝痼瘕。

宜元戎萬病紫苑丸。寶鑑沉香桂附丸之類。

久積成鬱。氣

堅結不散。脉氣至此。亦爲所礙。故一止也。難經十

八難曰。結甚則積甚。結微則積微。是又當審止歇

之多寡而斷病之輕重耳。

附方

治醫曰此方
治肺癰如神
但桔梗須北
產味苦并多
去蘆頭爲妙

仲景桔梗湯 金匱要略云。欬而胸滿。振寒脉數。

咽乾不渴。時出濁唾腥臭。久久吐膿如米粥者。
爲肺癰。又治心藏發咳。咳而喉中如梗狀。甚則
咽腫喉痺。亦治血痺。

桔梗

兩一

甘草

兩二

右二味。以水三升。煮取一升。分溫再服。則吐膿
血也。

元戎萬病紫苑丸 治臍腹久患痞癖如碗大。及

諸黃病。每地氣起時。上氣衝心。繞臍絞痛。一切
虫咬。十種水病。十種蠱病。及反胃吐食。嘔逆惡
心。飲食不消。天行時病。女人多年月露不通。或
腹如懷孕多血。天陰卽發。又治十二種風。頑痺
不知年歲。晝夜不安。夢與鬼交。頭多白屑。或哭
或笑。如鬼魅所著。腹中生瘡。腹痛。服之皆効。

紫苑

去苗

菖蒲

九節者
去毛

吳茱萸

湯洗七
次焙乾

柴胡

去
鬚

厚朴

薑製
一兩

桔梗

去
蘆

茯苓

去皮

皂莢

去皮炙

桂枝

乾薑

炮

黃連

去鬚入錢

巴豆

去皮膜出油研

人參

去蘆

羌活

獨活

防風

各半兩

蜀椒

去目及開口者微炒出汗

川烏

炮去皮臍半兩加三錢

右爲細末。入巴豆研勻。煉蜜丸如桐子大。每服

三丸。漸加至五丸七丸。生薑湯送下。食後臨卧

服。孕者不宜服。

此方分兩。一依元板善本校定。厚朴黃連下。有分兩而無各字。

川烏乃云半兩加三錢。不知何謂。考溫白丸方。惟川烏二兩半。餘藥各半兩。亦恐有訛。重於古。姑仍之。

痔漏腸風酒下 赤白痢訶子湯下 膿血痢

米飲湯下 墮傷血悶四肢不收酒下 蛔虫

咬心檳榔湯下 氣噎憂噎荷葉湯下 打撲

損傷酒下 中毒蒂灰甘草湯下 一切風升

麻湯下 寸白虫檳榔湯下 霍亂乾薑湯下

咳嗽杏仁湯下 腰腎痛豆淋酒下 陰疝

傷寒溫酒下 吐逆生薑湯下 飲食氣塊麵

湯下 時氣井花水下 脾風陳皮湯下 頭

痛水下 心痛溫酒下 大小便不通燈草湯

下 因物所傷以本物湯下 吐水漿湯下

氣病乾薑湯下 小兒天芎屋摘防風湯下防

已亦可 小兒痺痢葱白湯下 小兒乳食傷

白湯下 月信不通紅花酒下 婦人腹痛川

芎酒下 懷孕半年後胎漏艾湯下 有子氣

衝心酒下 產暈痛溫酒下 血氣痛當歸酒

下 產後心腹脹滿豆淋酒下 難產益智湯

下 產後血痢當歸湯下 赤白帶下酒煎艾

湯下 解內外傷寒粥飲下 室女血氣不通

酒下 子死腹中葵子湯下 又治小兒驚癇

大人顛狂一切風及無孕婦人身上頑麻狀如

虫行四肢俱腫呻吟走痛等疾 楊駙馬患風

氣衝心飲食吐逆遍身枯瘦日服五丸至七丸

至二十日。瀉出肉塊如蝦蟆五六枚。白膿二升。愈。趙侍郎先食後吐。目無所見。耳無所聞。服至五十日。瀉青蛇五七條。長四寸許。惡膿三升。愈。王氏患大風。病眉髮墮落。手掌生瘡。服之半月。瀉出癩虫二升。如馬尾。長寸許。後愈。李靈患肥氣。日服五九。經一月。瀉出肉髓三枚。愈。茹黃門。卒中風。病發時服藥。瀉出惡膿四升。赤黃水一升。一肉虫如亂髮。愈。李知府妻楊

氏帶下病七年。月崩不止。骨痿着床。服五丸。至十丸。十五丸。取下膿血五升。黃水一升。肉塊如雞子狀愈。此藥治一切萬病如神。唯初有孕者不宜服。

寶鑑沉香桂附丸 治中氣虛弱甚。脾胃虛寒。藏府積冷。心腹疼痛。手足厥逆。冷便利無度。七疝引痛不可忍。喜熱熨少緩者。

沉香

附子

炮

川烏

炮

乾薑

炮

良薑

官桂

吳茱萸

湯泡去苦水

茴香

炒各一兩

右末。好醋煮糊。丸梧子大。每五十丸。至七八十

丸。空心米飲下。

代脉主病第三十三

代則氣衰。或泄膿血。傷寒心悸。女胎三月。

代亦歇止之脉。但促結之止。內有所礙。雖止而不全斷。中有還意。代則大止不還。下復至。如更代者。

此所碍之
脉乃虛
左亮之分

大要着意

心氣不
動也

非元氣衰微之甚。不至此也。泄膿血者。則榮血耗

竭。隧道空虛。故見此欲脫不續之狀。

素問。脈要精微篇云。數動

一代者。病在陽之脈也。洩及便膿血。

傷寒心悸。有中氣虛者。有停飲

者。有汗下後者。中氣虛。則陽陷。陽受氣于胸中。陽

氣陷。則不能上充于胸中。故悸。

宜黃耆建中湯之類。

停飲者。

飲水多而停于心下也。水停心下。水氣上凌。心不

自安。故悸。

宜小青龍湯之類。

汗後則裏虛矣。况汗乃心液。

心液耗。則心虛。心虛故悸。

宜炙甘草湯之類。

諸悸者。

全每見牛產
 不交三五
 此月三月
 不月月七
 引神益婦人
 此三經不
 看多至期
 不養則
 牛病之不
 下血而墮
 衣力依經
 其氣血虛
 六補調之自
 前保至足月
 或外感內
 也等症各宜

未必皆脉代。今脉代者，正指汗後之悸，以汗爲心液，脉爲心之合耳。女胎十月而產，府藏各輸真氣，資次培養。一月之時，足厥陰脉養之。足厥陰者，肝也。二月，足少陽脉養之。足少陽者，膽也。三月，手厥陰脉養之。手厥陰者，心包絡也。四月，手少陽脉養之。手少陽者，三焦也。五月，足太陰脉養之。足太陰者，脾也。六月，足陽明脉養之。足陽明者，胃也。七月，手太陰脉養之。手太陰者，肺也。八月，手陽明脉養之。

之手陽明者。大腸也。九月。足少陰脉養之。足少陰者。腎也。十月。足太陽脉養之。足太陽者。膀胱也。是以諸經脉各養三十日也。若至期當養之經。虛實不調。則胎孕爲之不安。甚則下血而墮矣。十二經中。獨心與小腸不養胎者何歟。夫心爲牡藏。小腸爲之府。主生血而合脉。素問平人氣象論曰。藏真通于心。心藏血脉之氣也。有孕。則經血不通。許學士所謂姙娠閉經。隨以養胎者是也。平人氣象論。

經

又曰婦人手少陰脉動甚者。姪子也。歷觀經論。是知胎以血爲體。而始終十月。皆賴乎心。自不當在輪養中。又分次第矣。三月之時。心胞絡養胎。靈樞經脉篇云。心包主脉。若分氣及胎。脉必虛代。在五藏生成篇。又云。心合脉。蓋心與心胞。雖分二經。原屬一藏故耳。

附方

黃耆建中湯

見第二十一

目心主脉
其液汗汗後
心虛故心悸
而脉歇寒冬

生液本經主

胃絡脉絕生

通養血本經

毛折跌絕筋

腎精絕聖藥

阿膠乃驢皮

清水煮成經

水篇云心合

清水五藏生

成篇云肺合

寒電所謂毛

合精而皮

者不巧似

沈人參補

其而金脉

東膠果甘

仲景小青龍湯

見第十六

仲景炙甘草湯

傷寒論云傷寒脉結代。心動悸。

炙甘草湯主之。

甘草

炙四兩

生薑

切三兩

桂枝

去皮三兩

人參

二兩

生地黃

一斤

阿膠

二兩

麥門冬

去心半升

麻子仁

半升

大棗

擘十枚

右九味以清酒七升水八升先煮八味取三升

去滓內膠烱消盡溫服一升日三服一名復脉

麻藥爲胃
行津液而通
麻生姜溫中
而出脉桂枝
行臂而達脉
麻仁潤澀而
利脉一名復
脉湯不虛矣

又人病脉不
痛日生脉病
人不病曰死
故曰脉者元
氣也

湯。聖濟經曰。津耗散爲枯。五藏痿弱。榮衛涸流。
濕劑所以潤之。麻仁阿膠麥門冬地黃之甘潤。
經益血。復脉通心也。

脉病順逆第三十四

脉之主病。有宜不宜。陰陽順逆。吉凶可推。

有是病。則有是脉。如影之隨形也。與病相宜則順。
不相宜則逆。逆之與順。何從區別。是又在陰陽耳。
如表病見表脉。裏病見裏脉。實病見實脉。虛病見

虛脉。陽病見陽脉。陰病見陰脉之類。皆順而相宜者也。反此則逆。逆順一分而病之吉凶。從可推矣。

中風脉證第三十五

中風浮緩。急實則忌。浮滑中痰。沉遲中氣。尸厥沉滑。卒不知人。入藏身冷。入府身溫。

風性空疎。中之于表。浮緩是其宜也。

宜千金小續命湯。輕則仲

景桂枝湯。

加減用之。急強而實。略無柔和。邪氣太甚。正氣何

堪。故忌。若浮而滑。帶有物象。非浮緩比。此則中痰。

中風一證與
寒暑濕之
不同乃仲
所謂衛氣
為中風者
也皆由言

元陽虧損
致衛氣解
而身入風
邪卒入吾
故名曰中
其人有輕
者左右後
水之不同
治法
培元鼓衛
爲善法非
有風寒汗
吐
攻邪之比

之如中風者。

宜二陳湯防風竹瀝生薑之類。甚則探吐。

若沉而遲則不

在表而在裏。亦非中風。名曰中氣。七情之所爲也。

宜和劑四七湯。易簡星香湯。蘇合香丸之類。

尸厥亦類中風。卒然僵仆。

昏不知人。其脉沉滑者。沉爲裏。滑爲邪。邪入于裏。

與血氣相并。邪入正虛。搏入藏府。入藏則邪干神

舍。氣陷從陰。故身冷。藏不受邪。僅入于府。氣出從

陽。故身溫。卽金匱要略所謂唇口青。身冷。爲入藏。

卽死。如身和汗自出。爲入府。卽愈者是也。

宜蘇合香丸。仲

景備急丸。本事勝金丸。千金返魂湯之類。并萬民炎百會法。

附方

金匱千金小續命湯 通治八風五痺痿厥等疾。以一歲爲總。六經爲別。春夏加石膏知母黃芩。秋冬加官桂附子芍藥。又於六經別藥內。隨證細分加減。自古名醫不能越此。

麻黃

去節

人參

去蘆

黃芩

去腐

芍藥

甘草

川芎

杏仁

炒 去皮尖

防風

兩

防己

官桂

各一兩

附子

炮去皮
臍半兩

右除附子杏仁外爲麤末。後入二味和勻。每服五錢。水一盞半。生薑五片。煎至一盞。去滓。稍熱食前服。

附雲岐子加減法

如精神恍惚。加茯苓遠志。心煩多熱者。加犀角屑。兩半。骨節間煩痛有熱者。去附子。倍芍藥。

骨節冷痛。倍用桂枝附子。燥悶小便澀者。去

附子。倍芍藥。入竹瀝一合煎。藏寒下痢者。去防

己黃芩。倍附子。加白朮。一兩。熱痢不可用附子。脚弱。加

牛膝石斛。各一兩。身疼痛。加秦芫。一兩。腰痛。加

桃仁杜仲。各半兩。失音。加杏仁。一兩。如或歌或

笑。無所不及者。用麻黃。三兩。人參桂枝白朮。各二兩。

去附子防風生薑。加當歸。一兩。自汗者。去麻黃

杏仁。加白朮。一兩。脊加麻黃。一兩。夏加黃芩。七錢。

秋加當歸

四兩

冬加附子

半兩

仲景桂枝湯

見第十九

二陳湯

見第十六

和劑四七湯

見第十七

易簡星香湯

治中風痰盛。服熱藥不得者。

南星

八錢

木香

一錢

每服四錢。水一盞。薑十片。煎七分。不拘時溫服。

蘇合香丸

見第十八

仲景三物備急丸

大黃

兩一

乾薑

兩一

巴豆

一兩去皮
心熨外研

如
脂

右藥各須精新。先擣大黃乾薑爲末。研巴豆內
末中。合搗一千杵。用爲散。蜜和丸。亦佳。密器中
貯之。莫令泄。○主心腹諸卒暴百病。若中惡。客
忤。心腹脹滿。卒痛如錐刺。氣急口噤。停尸卒死。
以煖水若酒。服大豆許三四丸。或不下。捧頭起。

此藥最難
治者皆用開
則可

灌令下咽。須臾當差。如未差。更與三九。當腹中
鳴。卽吐下便差。若口噤。亦須折齒灌之。

本事勝金丸 治中風忽然昏倒若醉。形體昏悶。

四肢不收。風涎潮于上膈。氣閉不通。

生薄荷

半兩

猪牙皂角

二兩槌碎水一升二
味一處浸取汁研成

膏

瓜蒂

末一兩

藜蘆

二兩

硃砂

半兩研

右將硃砂末二分。與二味末研勻。用膏子搜和。

目暈忽
心失神
所關主
明則十二

九如龍眼大。以朱硃爲衣。溫酒化下一丸。甚者
二丸。以吐爲度。得吐卽醒。不醒不可治。必用方。
論中風無吐法。引金虎碧霞爲戒。且如卒暴涎
生。聲如引鋸。牙關緊急。氣閉不行。湯藥不能入。
命在須臾者。孰以無吐法可乎。但不當用銀粉
藥。恐損脾。壞人四肢。爾。羅謙甫方。有粉霜鉛粉。無熱蘆。

千金返魂湯。治卒感忤。鬼擊飛尸。諸奄忽氣絕。
無復覺。或已死。絞口口緊不開。去齒下湯。湯入。

使不開
不者
之法張
為愈香
宋利氣
心藥發
自內達
以桂心
節佐以
草助子氣
壯陰清氣
最路邪當
與

口不下者。分病人髮。左右捉踏肩引之。藥下。復增取盡一升。須臾立醒。

麻黃

兩三

桂心

兩二

甘草

兩一

杏仁

七十粒

右㕮咀。水八升。煮取三升。分三服。

肘後方云。張仲景方。無桂。

心。只三味。

灸法

灸風池。百會。曲池。合谷。風市。絕骨。環跳。肩髃。三

里等穴。皆灸之以鑿竅疎風。

風寒脉證第三十六

風傷於衛。浮緩有汗。寒傷于榮。浮緊無汗。

風爲陽邪。衛爲陽氣。風陽空疎。衛陽浮越。寒爲陰

邪。營爲陰血。寒陰欽束。血陰凝泣。故風必傷衛。寒

必傷營者。皆類同而象似也。空疎浮越。自當有汗。

而脉緩矣。仲景桂枝湯證欽束凝泣。自當無汗而脉緊矣。

仲景麻黃湯證

性空疎令
散解故有
汗
性寒令
欽束故
汗

附方

仲景桂枝湯

見第十九

仲景麻黃湯

見第十六

暑濕脈證第三十七

暑傷于氣。脈虛身熱。濕傷于血。脈緩細澀。

暑亦陽邪。性熱而散。傷于氣分。從其類耳。陽邪傷

氣。氣必煩蒸。故身熱。氣散不斂。故脈虛。

宜清暑益氣湯加味

香薷飲之類。濕爲水濕。血液相近。傷血亦從其類。脈緩

細澁。流衍滲着之象也。

宜敗毒散。和劑五積散之類。

附方

清暑益氣湯

見第十六

十味香薷飲

見第十六

敗毒散

活人

羌活

獨活

前胡

柴胡

芩薊

枳殼

白茯苓

桂枝

人參

已上各一兩

此方能使
去故

甘草

半兩

右爲細末。每服二錢。水一盞。入生薑二片。煎七分。溫服。或沸湯點亦得。治傷寒溫疫。風濕屈伸。拘蹇。風痰頭疼目眩。四肢痛。增寒壯熱。項強。腠疼。及老人小兒皆可服。或瘴煙之地。或瘟疫時行。或胸多風痰。或處卑濕脚弱。此藥不可闕也。日二三服。以知爲度。煩熱口乾。加黃芩。

和劑五積散 治感冒寒邪。頭疼身痛。項背拘急。

惡寒嘔吐。或腹痛。又治傷寒發熱。頭疼惡風。無
問內傷生冷。外感風寒。及寒濕客於經絡。腰脚
痠疼。及婦人經血不調。或難產並治。

白芷

茯苓

半夏

湯洗
七次

當歸

芎藭

甘草

炙

肉桂

芍藥

各三
兩

枳殼

去瓢
炒

麻黃

去節
根

陳皮

去白
各六兩

桔梗

去蘆
十兩

厚朴

去麁皮
薑製

乾薑

各四
兩

蒼朮

泔浸去皮
二十四兩

右咬咀。每服四錢。水一盞。薑三片。葱白三根。煎七分熱服。胃寒用煨薑。挾氣加茱萸。婦人調經催產。加艾醋。

傷寒脉證第三十八

傷寒熱病。脉喜浮洪。沉微濇小。證反必凶。汗後脉靜。身涼則安。汗後脉躁。熱甚必難。陽病見陰。病必危殆。陰病見陽。雖困無害。上不至關。陰氣已絕。下不至關。陽氣已竭。代脉止歇。藏絕傾危。散脉無根。形損難醫。

此種保熱病
類乃傷寒
之類非冬時
正傷寒之病
氣化者比汗
必難同用藥
大具與讀全
感自得之

素問熱論曰。今夫熱病者。皆傷寒之類也。又曰。人之傷于寒也。則爲病熱。熱雖甚。不死。觀此。則知傷寒雖是陰寒之邪。襲人生氣中。正氣與之抗拒。鬱蒸成熱。亦理勢之必然者。抗拒在表。故脉浮。鬱蒸成熱。故脉洪。熱病得此陽脉。知正氣不陷縮。而能鼓發。勝邪必矣。故喜焉。若沉微澁小。是皆陰類。證陽脉陰。表病見裏。證與脉反。邪盛正衰。凶之兆也。至若汗後。邪解正復。此時脉躁盛者。亦應寧靜身。

體自然涼和。設脉仍躁而熱加甚。是正氣已衰。邪
氣更進。必難乎其爲生矣。卽素問評熱論所謂有
病溫者。汗出輒復熱。而脉躁疾不爲汗衰。狂言不
能食。病名陰陽交者是也。一派陽邪。陰不能復。若
與陽交并爲一而不分
是陰已絕
亡。故死。陽病見陰者。見陰脉也。卽上文所云熱
病而得沉微澁小之類。言證與脉反。故亦危殆。陰
病見陽者。見陽脉也。亦似與證相反。惟傷寒則不
然。傷寒自表入裏。從陽之陰。刻刻侵傳。層層漸入。

表陽

指前一分人
之至太此
不者自九了

者元氣也
氣則生生

今陰病得陽脉。是轉寒凜而變溫和。起深沉而出
浮淺。死陰忽作生陽。病雖困篤。自當無害。故仲景
云。陰病見陽脉者生。陽病見陰脉者死。尺爲陰。尺
脉上不至關。是陰已絕于下。寸爲陽。寸脉下不至
關。是陽已竭于上。脉經曰。陽生于寸。動于尺。陰生
于尺。動于寸。言陰陽互相生動。今兩不至關。是陰
陽離異矣。素問生氣通天論曰。陰陽離決。精氣乃
絕。非此之謂歟。代脉止歇者。乃藏真不能接續。其

此脉
不病
之期

飲食分言之
飲食厚且分

傾危可立見也。散脉無根者。謂脉外散而不歛。肉
無根蒂之候。若形見損傷。必難醫治。仲景平脉篇
云。傷寒欬逆上氣。其脉散者死。謂其形損故也。其
義謂欬逆屬肺。散脉屬心。肺金心火。火刑其金。故
主死。形刑二義俱通。姑兩存之。

飲食勞倦第三十九

飲食內傷。氣口急滑。勞倦內傷。脾脉大弱。

飲食有節。五內受益。何言傷乎。傷則過于飲食。甚

至停蓄不消。而氣口急滑之脉見矣。急則不運不

輸。滑則有水有物。胃中停滯而急滑應于氣口者。

以氣口正在右關脾胃之前故也。

宜推之運之。如東垣枳木導滯

丸。升溪保和丸。紫古枳木丸。鞠葉枳木丸。東垣葛花解醒湯之類。

動而生陽。身固

不宜久逸。東垣先生論升陽益胃湯方後云。小役

形體。使胃氣與藥得以轉運升發。此即動而生陽

之義。又上古天真論云。不妄作勞。皆不言不勞。但

令小役。不令過役。并不妄勞耳。若煩擾而過于勞。

重刊四庫全書
醫部全錄
卷之四
脾
不遇文甚好

外則體倦，內則脾傷。蓋脾土合肌肉而主四肢。配陽明胃腑，受納水穀，醞釀精微，以灌溉四藏，爲人身陽氣生化之源。過勞則肢體轉旋，四肢舉動，陽氣張亂，無往非脾氣之應。則無往非脾氣之傷矣。脾脉反大弱者，氣張則大，氣耗則弱也。宜補中益氣湯之類

附方

枳朮導滯丸

東垣

治傷濕熱之物，不得旋化而作

痞滿悶不安。

黃芩

茯苓

白朮

黃連

各三錢

澤瀉

二錢

枳實

炒去穢

神麴

炒各五錢

大黃

煨一兩

右爲末。湯浸蒸餅爲丸。食遠白湯下五十丸。

丹溪保和丸

見第十七

索古枳朮丸

見第十七

鞠藁枳朮丸

見第二十

東垣葛花解醒湯 治飲酒太過。嘔吐痰逆。心神

白病苦
寒故重用
皮徐則醒
溫中和脾
水而已中
虛者勿妄

煩亂。胸膈痞塞。手足顫搖。飲食減少。小便不利。

青皮

去氣
三錢

木香

分五

橘紅

人參

猪苓

去皮

白茯苓

各一
錢半

神麴

炒

澤瀉

乾薑

白朮

各二
錢

白芷

葛花

砂仁

各五
錢

右爲極細末。每服三錢。白湯調服。但得微汗。則

酒病去矣。此蓋不得已而用之。豈可恃此酣飲

始自人身
虛遠用藥
於脾過勞
生化之源
而中氣虧
此方用卷
補諸滋培
源升柴從
生陽和皮
上焦中
中氣虛
所以生
汗胃氣
行養之

成病。自損元氣。惟病酒者思之。

東垣補中益氣湯 治勞役過度。飲食失節。四肢
倦怠。口乾身熱。手心蒸熱。手背不熱。時或頭痛。
微惡風寒。自常汗出。或氣高而喘。身熱而煩。其
脉洪大無力。或脉微細軟弱。或唯右脉虛大。凡
中氣虛弱而不能攝血。或中氣不足而誤用尅
伐。或飲食勞倦而患瘧痢。脾胃氣虛而久不能
愈。或膝理不密。易傷風寒。微邪膝肺而咳嗽不

東垣立
本意也

已。或病久元氣下陷。或傷恐元氣不升。或元氣
虛弱。感冒風寒。不勝發表。或入房之後。勞役感
冒。或勞役感冒而後入房。或陽氣不升而頭暈
作眩。額上喜溫而漸愈等證。不論內外病候。審
是因於勞役者。以之爲主。治之法。能生長身中
胃氣而行春夏之令。亦能使脾土以生肺金。爲
肝心脾肺滋化源之劑。

黃耆

病甚熱甚
者一錢

人參

三分有
嗽去之

甘草

炙五
分

當歸

酒製

橘皮

升麻

柴胡

各三分

白朮

五分

薛新甫常用方耆參朮各一錢
半歸一錢橘七分柴升各五分

水二盞棗一枚薑一片煎至一盞量氣弱氣盛
臨病斟酌水盞大小去滓食遠稍熱服如傷重
者不過二服而愈。

氣病脉證第四十

欲知是氣下手脉沉沉極則伏。瀉弱久深。

氣者。七氣也。七氣爲內因。故脉沉。沉之極。雖按之至骨。猶不顯露。是爲代脉。再或見澁之往來不利。弱之無力衰微。非七氣內傷之久。不如是也。

六鬱脉證第四十一

六鬱多沉。滑痰緊食。氣滯血乳。數火細濕。

鬱有六種。亦爲內因。鬱則不復浮暢。故脉多沉。多沉者。不盡沉也。沉而滑。則有水有物。痰停之鬱也。沉而緊。則寒實有物。食積之鬱也。沉而澁。則往來

諸氣
自諸氣
實屬於
於
腐腐腐

滯滯氣虛不响之鬱也。沉而托。則沉下中空。血虛
不濡之鬱也。沉而數。則不能炎上。火伏之鬱也。沉
而細。則附骨流衍。濕着之鬱也。大抵以越鞠丸爲
主最妙。如欲分治
痰宜濟生導痰湯。重則滾痰丸。食宜丹溪保和丸。
氣宜準繩氣鬱湯。血宜血鬱湯。火宜熱鬱湯。濕宜
濕鬱湯
之類。

附方

越鞠丸

丹溪

治六鬱胸膈痞滿。或吞酸嘔吐。飲食

不化。此治鬱之聖藥也。

撫芎

山查

淨肉

右末水調神麴麥芽作糊。如梧子大。每七八

十丸。白湯下。

濟生導痰湯 治痰涎壅盛。胸膈阻飲。痞塞不通。

枳實

越上
妙藥

北

兩灸半

右吹咀。每服四錢。水一盞。薑十片。煎八分。食遠溫服。

滾湯丸 見第十七

丹溪保和丸 見第十七

準繩氣鬱湯 治因求謀不遂。或橫逆之來。或貧窘所迫。或暴怒所傷。或悲哀所致。或思念太過。皆爲氣鬱。其狀胸滿脇痛。脉沉而滯者是也。

香附

童便浸一宿。焙乾。杵去毛爲粗末三錢。

蒼朮 炒

橘紅

製半夏

各一錢半

貝母

去心

白茯苓

去皮

白芨

紫蘇葉

自汗用子

山梔仁

炒共一錢

甘草

木香

檳榔

各五分

生薑

五片

煎服。如胸脇作痛。此有血滯也。宜參血鬱湯治之。

血鬱湯

凡七情鬱結。盛怒叫呼。或起居失宜。或

挫閃致瘀。一應饑飽勞役。皆能致血鬱。其脉沉

瀉而乳其體胸脇常有痛如針刺者是也。

香附

童便製
二錢

牡丹皮

赤麴

炒

川通草

穿山甲

炒

降真香

蘇木

山查肉

大麥芽

炒研各
一錢

紅花

七分

水酒各一半煎去滓入桃仁

去皮

泥七分韭汁半

盞和勻通口服。

熱鬱湯

有陰虛而得之者有胃虛食冷物抑遏

陽氣于脾土中而得之者。其治法皆見發熱。中。此則治夫非陰虛。非陽陷。亦不發熱而常自蒸蒸不解者也。

連翹

錢四

薄荷葉

黃芩

各一錢五分

山梔仁

炒二錢

麥門冬

去心三錢

甘草

五分

鬱金

錢一

瓜蘖皮穰

錢二

竹葉七片煎服。問何不用蒼朮香附撫芎。曰。火就燥。燥藥皆能助火。故不用也。

濕鬱湯

治因而露所襲。或嵐氣所侵。或坐卧濕

地。或汗出衣衫。皆爲濕鬱。其狀身重而痛。倦怠嗜卧。遇陰寒則發。脉沉而細緩者是也。

蒼朮

錢三

白朮

炒

香附

炒

橘紅

厚朴

薑汁炒

半夏

製

白茯苓

去皮

撫芎

羌活

獨活

各一錢

甘草

五分

生薑五片。水煎。

虞搏云。一男子年二十九。三月間房事後。騎馬渡溪。遇深淵沉沒。幸得馬健無事。連濕衣行十五里抵家。次日增寒壯熱。肢節煩疼。似瘧非瘧之狀。一醫作虛證治。而用補氣血藥。服之月餘不効。又易一醫。作勞瘵治。用四物湯。加知藥地骨皮之類。及丹溪大補陰丸。倍加紫河車。服至九月。反加滿悶不食。乃顧倩有乳婦人在家。止喫人乳汁四五杯。不喫米粒。召余診視。六脉皆

洪緩重按若牢。右手爲甚。余作濕鬱處治。用平胃散。倍蒼朮。加半夏茯苓白朮川芎香附木通砂仁防風羌活。加薑煎服。黃昏服一貼。一更時又進一貼。至半夜。遍身發紅丹如癰疹。片時隨沒而大汗。索粥與稀粥二碗。由是前病除減。能食。仍與前方服三貼。後以茯苓滲濕湯。倍加白朮。服二十貼平安。

醫燈續焰卷五

錢塘後學潘楫碩甫註

同邑社盟王佑賢聖翼評

門人

朱之棟韋斯

校

徐捷子先

痰病脉證第四十二

滑主多痰。弦主畱飲。熱則滑數。寒則弦緊。浮滑兼風。
沉滑兼氣。食傷短疾。濕畱濡細。

滑有氣機脈
有氣機應得
中妙理未
來際狀自可
證料

滑爲水物兼有之象。至多痰者。以痰爲飲結成形
故也。弦則弦直而飲。不能抑揚鼓蕩。是陽運之力
薄。故飲留焉。宜和劑倍木丸苓桂木甘湯之類以飲較痰。尚未結
聚。所以弦不似滑之累累替替有物形也。大約氣
機鼓動屬熱。滑數是已。歛束屬寒。弦緊是已。鼓動
浮越。風之象也。故浮滑者兼風。宜青州白丸子法製半夏清心牛黃
丸沉香墮痰丸清氣化痰丸之類動疾沉下。氣之鬱也。故動滑者
兼氣。停食于中。則氣爲食礙。不能透達。脈爲之短。

短則氣遏于內，勢反成疾。短疾之脈，與滑近似。故

滑亦主食也。

宜丹溪保和丸之類。

濕爲陰邪，畱必緩滲，非若

陽邪之變動迅疾。故脈亦濡細耳。

宜仲景澤瀉湯之類。

附方

和劑倍朮丸

見第二十二

仲景苓桂朮甘湯

見第十六

和劑青州白丸子

治男婦手足癱瘓，風痰壅盛。

嘔吐涎沫，及小兒驚風，婦人血風。

半夏

生七兩
水浸洗

南星

生三兩

白附子

生二兩

川烏

生半兩
去皮刺

右爲末。以生絹袋盛。於井花水內擺出。如未出者。更以手揉出。如有滓。更研再入絹袋。擺盡爲度。置磁盆中。日晒夜露。至曉撇去舊水。別用井水攪。又晒至來日早。再換新水。攪如此法。春五日。夏三日。秋七日。冬十日。去水晒乾。後如玉片研細。以糯米粉煎粥清丸。菴豆大。薑湯下二十

自人身
 以全在脾
 其布倘氣
 則通便為
 常半夏為
 之要藥
 痰氣身
 則咽喉喘
 不足慮也

丸。無時。如癰癰風。溫酒下。小兒驚風。薄荷

湯下五丸。

法製半夏 治一切痰嗽。或嘔吐。冷飲酸水。風癰

痰癰。胸膈否悶。喘促等證。

半夏 棟大者 五斤 明礬 一斤四兩 搗碎 生薑 一斤四兩 搗碎

右三味。用泉水共浸七日。擦去半夏皮。加朴硝

二斤八兩。換水浸七日。加猪牙皂角切片一斤

四兩。浸七日。此後用泉水。每日一換。至四十九

世所重然
新法方

日撈起晒乾爲末。每用二錢。煎蘿蔔湯調下。小兒諒減之。

和劑清心牛黃丸 治諸風緩縱不隨。語言寒澁。

心怔健忘。恍惚去來。頭目眩暈。胸中煩鬱。痰涎壅塞。精神昏憤。又治心氣不足。神志不定。驚恐悲憂。虛煩少睡。喜怒無時。或發狂顛。神情昏亂。

白芍藥

麥門冬

去心

黃芩

當歸

去苗

防風

去苗

白朮

各一兩半

柴胡

桔梗

芎藭

白茯苓

去皮

杏仁

去皮尖雙仁麩炒黃別研各一兩二錢半

神麩

研

蒲黃

炒

人參

去蘆各二兩半

羚羊角

屑

麝香

研

龍腦

研各一兩

肉桂

去粗皮

大豆黃卷

碎炒

阿膠

碎炒各一兩七錢半

白歛

乾薑

炮各七錢半

牛黃

研一兩二錢

犀角

屑二兩

雄黃

研飛八錢

乾山藥

七兩

甘草

剉炒五兩

金箔

一千二百片內四百片爲衣

大棗

一百枚蒸熟去皮核研成膏

右除棗杏仁金箔二角屑及牛黃雄黃腦麝外共爲細末入餘藥和勻用煉蜜與棗膏爲丸每兩作十丸金箔爲衣每服一丸溫水化下食後服小兒驚癇酌量多少竹葉湯化下

沉香墮痰丸 治宿食不消咽膈不利欬嗽痰涎頭目昏暈嘔逆惡心胸膈不快

沉香

木香

各二錢

青皮

去白二錢半

半夏麴

二兩

檳榔

大者三枚用麴裏煨熟

右爲細末用生薑汁浸蒸餅爲丸如小棗豆大每服二十丸不拘時薑湯下

清氣化痰丸 順氣快脾化痰消食

半夏

南星

去皮

皂角

切

白礬

乾薑

各四兩

右先將白礬等三味用清水五碗煎取水三碗却入半夏二味浸兩日再煮至半夏南星無白

點爲度。晒乾。

青皮

去穢

陳皮

真蘇子

炒

蘿蔔子

炒另研

杏仁

去皮尖炒研

葛根

神麴

炒

麥蘖

炒焦

山查

去核

香附

各二兩

右爲末，蒸餅丸。桐子大。每服五七十九。臨臥食後茶湯下。

丹溪保和丸

見第十七

仲景澤瀉湯

見第二十二

瘧疾脉證第四十三

瘧脉自弦。弦數者熱。弦遲者寒。代散者折。

素問瘧論曰。夫瘧瘧皆生于風。蓋風屬木而應春。弦是其本脉。生于風。則象風。故脉自弦。又瘧之作也。邪正交爭。或寒而熱。熱而寒。寒熱往來。正邪出入。樞至于中。經云少陽爲樞。少陽亦應乎春。故脉亦當弦。弦而兼數。數爲熱。是知瘧之多熱也。多熱多汗

見立
敗矣

宜小柴胡湯或加知母石膏黃連之類甚弦而兼

遲遲爲寒是知瘧之多寒也。熱少寒多甚或厥冷

胡白木草果之類雖附子亦不妨若代止而又散

乃正氣虛脫不續不飲之象邪盛正衰定主凶折

此屬危殆之證若欲用藥非大補氣血如參

耆炙甘草附薑桂之類不能挽回于萬一者

仲景小柴胡湯傷寒論云傷寒五六日中風往

來寒熱胸脇苦澀默默不欲飲食心煩喜嘔或

治之益
 之使
 在
 正
 大
 臣
 解
 而
 陽
 少
 用
 之
 往
 半
 而
 求
 而
 注

胸中煩而不嘔。或渴。或腹中痛。或脇下痞。或
 心下悸。小便不利。或不渴。身有微熱。或欬者。小
 柴胡湯主之。此半表半裏。寒熱往來之藥也。合
 用治瘧之寒熱往來者皆効。

柴胡

半斤

黃芩

人參

甘草

炙

生薑

各三兩

半夏

半斤

大棗

十二枚

右七味。以水一斗二升。煮取六升。去滓。再煎取

半夏為梗
之要藥耳
投之加
以推無足
由人難免
亦相傳為

三升。溫服一升，日三服。若胸中煩而不嘔者，去
半夏人參，加枳實一枚。若渴者，去半夏，加人
參合前成四兩半。加枳實根四兩。若腹中痛者，
去黃芩，加芍藥三兩。若脇下痞鞭，去大棗，加牡
蠣四兩。若心下悸，小便不利者，去黃芩，加茯苓
四兩。若不渴，外有微熱者，去人參，加桂枝三兩。
溫覆取微汗愈。若欬者，去人參大棗生薑，加五
味子半升，乾薑三兩。

仲景白虎湯

加人參名人
參白虎湯

傷寒論云傷寒脈浮

滑此表有熱裏有寒。白虎湯主之。又云吐下後七八日不解。熱結在裏。表裏俱熱。時時惡風。大渴。舌上乾燥而煩。欲飲水數升者。白虎加人參湯主之。大抵表裏皆熱。在表多汗。非閉鬱之熱。在裏渴煩。非入府堅實之熱。轉夏爲秋之劑也。

知母

六兩

石膏

一斤

甘草

炙二兩

粳米

六合

沉則爲
田則爲
沉則爲
田則爲
沉則爲
田則爲

右四味。以水一斗。煮米熟湯成。去滓。溫服一升。

日三。

洩瀉脈證第四十四

洩瀉下利。沉小滑弱。實大浮洪。發熱則惡。

瀉痢見于下部。時時唯出。無論因之。內外。總屬傷

陰耗裏之虛證。沉小滑弱。乃爲相宜。

滑乃有餘。似平相反。然

其有水液而不因瀉痢枯涸耳。大約宜五苓散。在胃散。東垣升陽除濕湯。理中湯。五味子散。四神丸。七味白朮散。痢則芍藥湯。香薷丸。益元散。敗毒散。東垣芍藥黃芩湯。和劑真人藏湯。金匱桃花湯。

白頭翁湯。和劑參苓白朮散。俱當審寒熱虛實選用之。若實大浮洪則惡矣。實大與虛反。浮洪與裏反。邪盛正衰。不言可喻。再加發熱。則陰氣彌傷。而裏氣彌耗。不至躁亡不已也。

附方

五苓散

見第十七

平胃散 治脾胃不和。不思飲食。心腹脇肋脹滿。

刺痛。口苦無味。胸滿短氣。嘔噦噫氣吞酸。面黃。

此方出自龍宮
有白木丹
參白藥梨各
兩隨症用
別所治其廣
志者前多
合以清

肌瘦。體倦節痛。常自利。常發霍亂。反胃等證。

蒼朮

去粗皮米
泔浸五斤

陳皮

三斤二
兩去白

甘草

剉炒三
十兩

厚朴

去粗皮薑製
炒三斤二兩

右爲細末。每服二錢。水一盞。薑三片。棗二枚。同煎七分。去滓溫服。或去薑棗帶熱服。空心食前。入鹽一捻。沸湯點服亦得。常服調氣煖胃。化宿食。消痰飲。辟風寒冷濕不正之氣。

東垣升陽除濕湯 治脾胃虛弱。不思飲食。腸鳴。

腹痛。泄瀉無度。小便黃。四肢困弱。

甘草

大麥藥麴

如胃寒腹鳴者加

陳皮

猪苓

已上各三分

澤瀉

益智仁

半夏

防風

神麴

升麻

柴胡

羌活

已上各五分

蒼朮

一錢

右咬咀作一服水三大盞生薑三片棗二枚同

煎一盞去滓空心服

理中湯

見第十七

二神丸 治脾腎虛弱。侵晨五更作瀉。全不思食。或食而不化。大便不實神効。

破故紙

四兩炒

肉豆蔻

二兩生用

用紅棗四十九枚。生薑四兩。同煮熟。去薑及核。取肉和藥丸如梧子。每服五七十九。空心湯下。

五味子散

治腎泄。在侵晨五更作瀉。或大便

實。不時去後。

五味子

炒二兩

吳茱萸

炒五錢

爲末。每服二錢。白湯調服。爲丸更妙。

四神丸。治脾腎虛弱。大便不實。飲食少思。

卽二神丸。五味子散合丸。空心食前服。

錢氏七味白朮散。治中氣虧損。津液短少。口舌

乾渴。或口舌生瘡。不喜冷飲。或吐瀉後口乾。最

宜服。

人參

白朮

木香

白茯苓

甘草

藿香

各五分

各一分

右水煎服

芍藥湯

治便血後重。經曰。溲而便膿血。知氣行

而血止也。行血。則便膿自愈。調氣。則後重自愈。

白芍藥

當歸

黃連

黃芩

各五錢

檳榔

木香

甘草

各二錢

桂半錢

右咬咀。每服五錢。水煎服。痢不減。加大黃。

香連丸 治痢疾。并水瀉。暑瀉。甚効。

黃連

十二兩。另用吳茱萸十兩爲末。二味熱水拌和入磁器。置熱湯中。燂一日。同炒至黃連紫色。去茱用連。

爲末。每四兩。配木香一兩。醋打米糊爲丸。如小
子大。每服三十丸。白湯下。久痢中氣下陷。以補
中益氣湯下。中氣虛者。四君子加薑桂湯下。

益元散

一名天水散
一名六一散

治傷寒表裏俱熱。煩渴口

乾。小便不通。及霍亂吐瀉。下利腸澼。五淋。及婦人產難。催生下乳。

桂府滑石

風白者水
飛六兩

粉草

去皮一
兩研爛

右爲極細末。每服三錢。白湯調下。新水亦得。加薄荷末少許。名雞蘇散。加青黛末少許。名若玉散。治瘵並同。

敗毒散

見第三十七

東垣芍藥黃芩湯

治洩痢腹痛。或後重。身熱。久

不愈。脉洪疾者。及下痢膿血稠粘

黃芩

白芍藥

各一兩

甘草

五錢

右咬咀。每服一兩。水一盞半。煎一盞。溫服。無時。如痛。加桂少許。

和劑真人養藏湯

治大人小兒。冷熱不調。下痢

赤白。或便膿血。有如魚腦。裏急後重。臍腹疼痛。及脫肛墜下。酒毒濕毒。便血並宜服。

人參

白朮

當歸

各六錢

白芍藥

木香

各一兩六錢

甘草

肉桂

各八錢

肉果

麝香半兩

御米殼

蜜炙二兩六錢

訶子肉

一兩二錢

右咬咀。每服四錢。水一盞半。煎八分。去滓。食前

溫服。忌酒麪生冷腥膩之物。滑泄夜起久不差

者。加附子四片。

金匱桃花湯 治下痢膿血

赤石脂

一升一半
篩末

乾薑

兩

粳米

一升

右先以水七升。煮米盡令熟。去滓。溫七合。內石脂末方寸匕。日三服。若一服愈。勿服。

金匱白頭翁湯 治熱痢膿血

白頭翁

二兩

黃連

黃藥

秦皮

各三兩

右以水七升。煮二升。去滓。溫服一升。不愈更服。

和劑參苓白朮散 治久瀉痢。或大病後調理。消

渴者尤宜。

人參

乾山藥

蓮肉

去心

白扁豆

去皮薑汁浸炒各一斤半

於白朮

二斤

桔梗

煨黃色

砂仁

白茯苓

去皮

薏苡仁

炙甘草

各一斤

右爲細末。每服二錢。米湯調下。或加薑棗煎服。或棗肉和丸如桐子大。每服七十丸。空心米飲。

之上口爲
胃門言飲食
至此而止而
以上焦主
胃也胃之下
口爲幽門言
飲食至此已
下而下幽隱
也若上無

下，或煉蜜丸如彈子大，湯化下。

嘔吐反胃脉證第四十五

嘔吐反胃，浮滑者昌。弦數緊濇，結腸者凶。

嘔吐有聲有物，反出于胃，上焦之病也。

宜仲半夏湯。

薑半夏湯。二陳湯之類。

上焦則脉應浮，有物則脉應滑。浮滑

爲陽，飲食之能納，能運而不反者，陽之力也。故云

浮滑者昌。若得弦數緊濇之脉，則逆矣。蓋弦狀陰

飲，陽運衰微。又弦爲肝木之脉，嘔吐屬胃，胃者土

陽氣運化以
 主納下無陰
 氣得送以主
 出位屬胃海
 乾枯氣血兩
 寒所由來者
 寒矣故乾也
 其標之脈見
 意用養胃生
 津然而十難
 生者矣若
 寒者或因
 食過多胃
 中一時難運
 則上焦數于
 受物故冷然

也。木來乘土。土將奪矣。金匱要略云。脉弱者虛也。

胃氣無餘。亦懼胃土虛而見肝木之脉也。宜平肝補脾。如

四君子湯。六君子湯。加防風白芍之類。數則為熱。熱當消穀而反吐。

穀者。乃知數為虛數。虛則不運。數則氣促。嘔吐不

止。胃將由此而敗。金匱要略云。陽氣微。膈氣虛。脉

乃數。宜補中兼清虛熱。如六君子湯。加竹茹生薑茱萸製黃連之類。緊則為寒。寒

則無陽以運。故上出而嘔吐。宜溫中散寒。如理中湯。藿香安胃散之類。

瀉脉枯澀。吐衄津液之所致也。金匱要略所謂

或出脈亦有
宜而浮者此
暴證治以
理氣豁痰胸
胃自愈

食暮吐。暮食朝吐。宿穀不化。名曰胃反。脈緊而滿。
其病難治者是也。宜芩氣而生津。如四君子湯。加黃耆五味子之類。夫胃
爲水穀之海。若再加大腸秘結。是全無陰液而水
穀之海枯矣。水穀之海枯而能生者。未之有也。翻胃
者不治。糞如羊屎

附方

仲景大半夏湯 見第二十

仲景生薑半夏湯 要略云。病人胸中似喘不喘。

似嘔不嘔。似噦不噦。胸中憤憤然無奈者。生薑半夏湯主之。

半夏

半升

生薑汁

一升

右以水三升。煮半夏取二升。內生薑汁。煮取一升半。小冷。分四服。日三夜一。服止。停後服。

二陳湯

見第十六

四君子湯

見第十六

六君子湯

見第十六

仲景理中湯

見第十七

藿香安胃散

見第二十

霍亂脉證第四十六

霍亂之候。脉代勿訝。厥逆遲微。是則可怕。

仲景云。嘔吐而復下利。名曰霍亂。

宜仲景通脉四逆湯。理中圓。四

逆加人參湯之類。

霍亂者。揮霍撩亂。不能自持。陰陽乖離。

上下亟奪。是時脉或代止。勿驚訝也。乃卒吐暴下。

穀神頓委。暫不接續故耳。若手足厥冷。脉復遲微。

脈者後天
氣較氣可
發生漸絕
先天真元
元不可續
死日漸墜
真元亦
氣亦

是則大爲可怕。蓋手足爲諸陽之本。遲微爲純陰之脈。陽衰陰盛。真元漸絕之象也。是故暴脫者能漸生。而漸絕者。又何能暴起哉。暴脫者。如日中風雨。風雨過而日仍明。漸絕者。如日漸西墜。墜則終此日矣。九死之證也。設欲用藥救治。非附子理中湯。四逆加人參湯之類。不可。

附方

仲景通脈四逆湯 傷寒論云。少陰病。下利清穀。

裏寒外熱。手足厥逆。脈微欲絕。身反不惡寒。

人面赤色。或腹痛。或乾嘔。或咽痛。或利止脉不出者。通脉四逆湯主之。今用治霍亂吐利脉不出者亦宜。

甘草

炙二兩

附子

大者一枚生用去皮臍破八片

乾薑

四兩強人可四兩

右以水三升。煮一升二合。去滓分溫再服。其脉漸出者愈。

仲景理中圓

見第十七

召曰四肢
皆之本
以四肢厥
微陽氣之
然亦有
而厥者
是而非
死開頭
類簡點

仲景四逆加入參湯 治一切虛寒亡陽下利四

肢厥逆等證。

甘草

炙二兩

乾薑

一兩半

人參

一兩

附子

一枚生用去皮破八片

右以水三升。煮一升二合。去滓分溫再服。強入

可大附子一枚。乾薑三兩。

附子理中湯

見第十七

欬嗽脉證第四十七

欬嗽多浮。聚胃關肺。沉緊小危。浮濡易治。

欬嗽不一。強半爲風寒痰飲。風寒則傷于皮毛。

宜

解。如麻黃湯。

痰飲則停于胸胃。

宜二陳湯。仲景小
青龍湯。振華牛夏

溫肺湯。

皮毛者。肺之合也。邪襲其合。肺氣應之。故

上逆而爲欬。胃居肺下。寒痰冷飲。停滯于中。上射

于肺。肺氣迎之。故亦上逆而爲欬。經云。形寒飲冷。

則傷肺。

痰飲寒濁之氣。上熏于
肺。肺不清淨。咳嗽從生。

形寒固傷于外。而

冷飲寒痰。則皆聚于胃也。肺居最上。皮毛最表。故

可通補小則
正氣衰微補
不能實攻不
能受故難治

治虛目邪寒
乃虛中
實攻補藥
大為善法

脉多浮耳。沉緊小危者。沉則邪入裏。緊則寒不散。
小則正氣衰。均至病危。若浮而濡。浮則在表。濡受
邪輕。故云易治。

附方

麻黃湯

見第十大

參蘇飲 治痰積中脘。暈眩嘈雜。怔忡嘔逆。或痰
停關節。手足輒曳。口眼喎斜。半身不遂。嘔吐惡
心。頭疼發熱。及感冒風邪。鼻塞增寒欬嗽等證。

人參

紫蘇葉

前胡

半夏製

葛根各一錢

茯苓

枳殼

桔梗

陳皮各八分

木香脂四分

加葱白生薑煎服

二陳湯見第十六

仲景小青龍湯見第十六

板粹半夏溫肺湯 治心腹中脘痰水冷氣。心下

汪洋嘈雜。常多涎唾。口中清水自出。脇肋急脹。痛。不欲食。此胃氣虛冷所致。其脉沉弦細遲。

旋覆花

人參

細辛

桂心

甘草

陳皮

桔梗

芍藥

半夏

製各半兩

赤茯苓

七錢半

右咬咀。每服四錢。生薑三片水煎。食後服。

喘急脉證第四十八

所以氣
息為氣
形若有餘
無傷不足
為形不能
為仲景云
逆上氣脉
者死為其
逆故也

喘急息肩。浮滑者順。沉澁肢寒。散脉逆證。

呼吸疾速曰喘。氣息短促曰急。息肩者。肩隨息動。吸則提氣。呼則舒氣。出入不利。故肩亦為之聳動。

耳脉浮滑者。浮為陽。為表。為風。

宜汗解。仲景麻黃湯。或香薷散。及枳

桔桑杏

滑為陽。為痰。為食。

痰宜枳桔二陳湯。姜仁蘇子。及三子養親湯之

類。食宜丹溪保和丸。平胃散和

刺小七香丸。或瓜蒂散吐之。三曰外邪閉遏。或

為內物阻撓。致令機關壅滯。胸膈否塞。而為喘急。

息肩者有矣。苟能散其邪。則機關可利。推其物。則

否塞可通。故曰順。脉沉濇者。沉爲陰。爲裏。爲下部。濇爲陰。爲虛。乃元氣不能接續。不能舒徐以達上焦。不能達上。又豈能充四肢乎。是以喘急息肩。四肢又寒也。若更見散脉。則元真將隨喘而散亡必矣。故曰逆。脉濇肢寒。陽退陷而不達。喘息脉散。陽散越而脫根。

附方

仲景麻黃湯

見第十六

香蘇散

寶鑑

治水氣。虛腫。小便赤濇。

陳皮

去白
一兩

防已

木通

紫蘇葉

各半
兩

右爲末。每服二錢。水二盞。生薑三片煎至一盞。去滓食前溫服。

枳桔二陳湯

卽二陳加
枳殼桔梗

三子養親湯 治年高痰盛氣實并氣壅哮喘等證。

紫蘇子

沉水
者

白芥子

蘿蔔子

各三錢

右水二鐘。薑二片。煎七分。食後服。

丹溪保和丸

見第十七

平胃散

見第四十四

和劑小七香丸

見第十七

仲景瓜蒂散

瓜蒂

二十個

右剉以水一升。煮取五合。去滓頓服。

火病脉證第四十九

以向可溫
若無火即
太僕所云
之不熱矣

病熱有火。洪數可醫。沉微無火。無根者危。

病熱而有火證。是火病也。火則脉應洪數。脉證相
宜。故可醫治。若得沉微之陰脉。是無火矣。無火而
仍病熱。則知爲無根之陽。虛見熱象也。故主危殆。
清心蓮子飲和劑 治心虛有熱。小便赤濁。

黃芩

麥門冬

去心

地骨皮

車前子

甘草

炙各一錢半

石蓮肉

白茯苓

黃耆

炙各一錢

人參

各七分

水二盞煎一。才中沉冷。空心溫服。發熱加柴

胡薄荷

導赤散

錢氏

丹溪云。導赤散。正小腸藥也。

生地黃

木通

甘草

各等分

右同爲末。每服三錢。水一盞。入竹葉七片。同煎五分。食後溫服。

錢氏瀉黃散

治脾家鬱熱。口甜。口瘡。喜飲。煩渴。

藿香

七錢

山梔仁

一兩

石膏

半斤

甘草

二兩

防風

四兩

右剉同蜜酒微炒香爲細末。每服二錢。水一盞煎清汁飲。

瀉青丸

當歸

去蘆焙稱

草龍膽

焙稱

川芎

梔子

川大黃

煨

羌活

防風

去蘆

右各等分爲末。煉蜜爲丸雞頭大。每服一丸。煎

竹葉湯。同砂糖溫水化下。

局方八正散 治大人小兒心經邪熱。一切蘊毒。咽乾口燥。大渴引飲。心忪面赤。煩躁不寧。目赤睛疼。唇焦鼻衄。口舌生瘡。咽喉腫痛。又治小便赤澀。或癃閉不通。及熱淋血淋。並宜服之。亦氣分藥也。

瞿麥

篇蓄

車前子

滑石

甘草 多

山梔子仁

木通

大黃

右爲散。每服二錢。水一盞。入燈心廿莖。煎七分。去滓。食後臨卧溫服。小兒量與之。

左金丸 治肝火脇肋刺痛。或發寒熱。或頭目作痛。或大便不實。小便淋秘。或小腹疼痛。一切肝火之症。以此主治。

黃連

六兩

吳茱萸

湯煮片
時一兩

粥和丸。陳皮白朮湯送服。

河間防風通聖散 表裏氣血總清之藥

防風

川芎

當歸

芍藥

大黃

薄荷葉

麻黃

連翹

芒硝

盆硝是已
上各半兩

石膏

黃芩

桔梗

各一兩

滑石

三兩

甘草

二兩

荆芥

白朮

梔子

各二錢半

爲末。每服五錢。水煎食遠服。

升陽散火湯 男婦四肢發熱。肌熱筋痺熱。骨髓中熱。發如火。燎於肌膚。捫之烙手。此證多因血虛而得。或胃虛過食冷物。抑遏陽氣於脾土。火鬱發之。此方是也。

升麻

葛根

獨活

羌活

各五錢

防風

二錢半

柴胡

八錢

甘草

三錢炙
二錢生

人參

白芍藥

各五錢

右咬咀。每服半兩。或一兩。水煎稍熱服。

陽毒升麻湯 治傷寒雜病。汗吐下後變成陽毒。

發狂譫妄。喉痛下利。

升麻

五錢

犀角

射干

黃芩

人參

甘草

各二錢五分

右咬咀。水煎服。

清胃湯 治醇酒厚味。唇齒作痛。或齒齦潰爛。

連頭面頸項作痛。

黃連

一錢五分

當歸

生地黃

牡丹皮

各一錢

升麻

二錢

右水煎服

千金黑奴丸

治大熱陽毒發狂發斑煩躁大渴。

黃芩

釜底煤

芒硝

竈突墨

梁上塵

小麥奴

麻黃

大黃

各一兩

右爲末。煉蜜丸如彈大。新汲水化服。不定再服半丸。飲水盡。足當發寒。寒已汗出乃差。未汗再

服半丸。不大渴者。不可與。

瀉白散 治肺火欬喘。面紅。喉咽不清。

地骨皮

二錢

桑白皮

二錢

甘草

五分

爲末。水一盞煎六分服。

當歸龍薈丸 治肝經實火。大便秘結。小便澀滯。

或胸膈作痛。陰囊腫脹。凡屬肝膽實熱。並宜用之。

當歸

龍膽草

梔子仁

黃連

黃芩

兩各一

大黃

蘆薈

青黛

錢各五

木香

二錢五分

麝香

另研五分

爲末。炒神麴糊丸。每服二十丸。薑湯下。

骨蒸脉證第五十

骨蒸發熱。脉數而虛。熱而濇小。必殞其軀。

骨蒸發熱者。熱自骨起。蒸熱于外。內傷虛勞之熱也。脉數而虛。是其本然。蓋以數爲熱。虛爲勞耳。若

蒸熱而見濇小之脉。濇則精血少。小則元氣衰。真
陰日損。邪火日增。不至于殞軀不已也。方參看
勞極門

醫燈續焰卷五

終